

欽定剿平粵匪方略

欽定勦平粵匪方略卷一百九十九 戊午年

七月初二日

乙亥 德興阿奏言翁同書蒙

恩補授安徽巡撫殺賊救民仍是同辦一事嗣後遇有
咨商總期軍務有裨至九洲洲一帶江湖未減
賊乘小船出沒經上下游水師及浦營前敵防
堵綦嚴賊勢漸亦因蹙探聞和州之賊日益滋
多窺伺烏江幸有石磧橋高旺重兵防守西路

尚有把握惟金陵攻圍緊急該逆圖竄之心日
迫一日沿江數百里港汊通連臣謹當隨時審
慎國防以固大局奏入報

聞

同日耆齡奏言吉安踞賊經參將遮克敦布督
隊往攻白鷺洲賊出拒我軍排礮轟擊焚燒賊
划七隻顛標外委賴有榮中槍殞命賊架木籬

數架飛划數十隻衝撲河街及天華山右長濠
同知曾國荃等各率三板繞濠轟擊蕭孚泗等
帶領陸隊夾攻直隸州知州俞昌會亦派蓮新
營練勇截擊該逆猛撲數次經周惠堂等開礮
擊斃木簞划船之賊甚多陸軍亦施放擡槍劈
山礮鏖戰逾時賊不能敵復有另股城逆千餘
人衝出曾國荃率隊邀擊追斬十餘人四月初

五日賊衆萬餘人攜帶雲梯草包等物分撲西南長濠其撲吉營濠牆者蛇行奮進守濠之勇俟其搭梯渡濠羣以輒石火彈擊之傷斃不少賊乃引退而排列山岡之賊復大隊併進搖取木椿曾國荃以槍礮火器轟擊守備陶藻亦撥隊堵禦斃賊甚多其撲蓮新營濠界者悍賊十餘人各挾火彈鳧水過濠焚燒牆內更棚都司

倪長誥等督勇堵禦周惠堂等三板及陶藻分
隊幫同夾擊賊乃敗退其撲和字營者經卽選
道趙煥聯督飭弁勇俟賊偪濠齊開槍礮賊卽
應聲而倒餘遁入城逾時賊復傾巢而出先撲
吉字營繼撲和字營亦被各營擊退初九日上
游商民木簞二架被水衝至白鷺洲城賊千餘
擁出爭奪悍賊百餘人躍登簞上吉字長字定

湘等營戰船及遮克敦布礮船駛往洲邊救護
城內復出股匪各營礮船轟擊殲賊千餘稜上
之賊均落水淹斃當將木簞奪回並獲賊船三
十隻擊沈十二隻生擒賊匪七名十一日賊出
數百人散布西南田隴被吉字營追斬十餘人
遮克敦布派勇乘小船渡河鑿沈賊船三隻十
日復派隊於水東緊對白鷺洲小南門堅築

土城礮臺數座賊出大股槍礮雨注以撓我軍
遮克敦布派礮船駛近洲邊連開大礮斃賊數
十人賊乃敗退當將礮臺築成曾國荃遮克敦
布將天華山大礮移至水東礮臺施放擊斃城
邊及白鷺洲之賊無數城上更棚城內房屋亦
多轟坍十四日直隸州知州劉騰鶴督率湘後
等營修挖長濠賊衆數千人由西北兩門來撲

劉騰鶴俟賊緣上山坡始飭勇開壁突出以數十火彈齊擊賊負傷駭潰我軍乘之斃賊數百人十六日夜悍賊千餘攜帶藤牌灰包雲梯直犯天華山長濠長安嶺後仍伏有逆匪接應吉字營營官彭椿年等督兵靜俟該逆拔去梅椿竹籤撲入內濠我軍輒石火器齊發前隊之賊稍卻後隊猶復猛進相持經時蕭孚泗等派隊

適到槍礮轟擊該逆拌死屢衝直至黎明賊屍
山積餘匪飛奔入城其犯蓮新營者亦被該營
擊退二十日賊衆復犯天華山長濠仍爲官軍
擊敗二十二日夜城賊數千人兩次猛撲官軍
長濠經趙煥聯督勇擊退殲斃千餘二十四日
又經總兵普承堯派朱祖貴帶寶勇百名踰濠
誘戰大股逆匪出城來撲我軍佯退賊追過螺

岡橋朱祖貴率勇回擊曾得勝率大隊繼進劉
騰鶴亦派勇夾攻殺賊無算餘匪敗遁是日該
逆分股出犯南路長濠亦爲蓮新各營所敗二
十五日北門及石壘之賊來犯寶營濠界普承
堯督勇踰濠迎擊賊卽敗退我軍甫經收隊賊
復來迫劉騰鶴令後右營出卡橫截勁兵後營
繼之力戰逾時賊乃潰走殲斃五六千人二十

九日城賊三四千由河街直撲蓮新營文電輝
等相繼出戰賊俱敗走蹙克敦布率領水陸兵
勇渡河助擊土壘逆匪山拒我軍齊施槍礮轟
斃先鋒悍賊多人五月初二日各陸營齊出大
隊圍攻東西北三門各水師環攻南門賊亦分
路拒敵鏖戰兩時斃賊千餘軍功戴榮華中礮
陣亡餘匪敗伏城壘堅匿不出次日水陸各營

會攻如前礮賊尤夥初五日遮克敦布選派勁
勇假以划戲龍舟爲名突近白鷺洲一擁而上
立將賊築土城拆毀擊斃悍賊二百餘名焚夾
河賊划兩隻奏入

上諭內閣曰吉安逆匪被圍已極窮蹙著卽乘勝進攻
速拔堅城盡殲醜類外委賴有榮軍功戴榮華臨陣
損軀均堪憫惻著交部議卹

耆齡又奏言零都縣餘匪於三月初三日分股
一由銀坑竄入賴村一由龍頸壩竄至韓信峽
圖擾會昌縣經該縣知縣劉松屏等督勇駐隘
堵禦逆匪卽由石碇竄入瑞金縣萬田地方其
分犯安遠邊界者經知縣張仁法督勇截擊殲
斃五十餘人餘亦逃歸萬田大股初六日賴村
之賊擾及興國縣邊境經該縣潘安國等調勇

擊退殺賊七十餘人餘俱遁往甯都州黃陂地方爲參將曾昭麒及小佈地方鄉團擊敗遂竄廣昌而去沿途截殺甚多其萬田股匪經知縣黃曾慰兩次進剿獲勝該逆竄至黃柏地方鄉團合力擊走該逆進窺縣城經黃曾慰設伏擊敗竄往石城縣之坪山地方知縣張鎔分路進攻殲賊三百餘人敗匪竄至甯都州固村曾昭

麒帶勇迎擊該逆遂望廣昌驛前遁去四月初
三日該逆由僻路復擾石城縣小松地方又經
張鎔撥勇迎擊殺賊四百五十餘人餘匪由廣
昌四散奔逃現在悉竄福建境內瑞金石城二
縣均與閩省連界已飭各該縣營認真嚴防以
杜回竄

耆齡又奏言九江鎮總兵李定太原帶援浙兵

勇四千六百餘名又抽調駐紮玉山之長左仁
右兆字新老衡勇五營計二千五百名共七千
餘名繞道徽州之婺源縣前進行至浙江遂安
縣探聞壽昌被陷嚴州喫緊馳至嚴郡所轄之
洋溪與署臬司段光清會勦五月二十七日逆
匪擾及對岸沿河村莊窺探我軍虛實適段光
清雇船數十號至營李定太卽派勇乘夜渡河

掩殺斬首十餘級賊卡更棚概行焚燬二十八
日李定太等分三路進攻壽昌並知會段光清
派勇夾擊賊亦分股拒戰我軍數路並進匪衆
敗潰各營追逐該逆拌死回撲萬泰等奮勇力
擊賊復大敗狂奔追斬無數當卽收復壽昌派
勇駐守縣城江西援兵由大同一帶跟蹤追剿
奏入均報

聞

同日

上命軍機大臣傳諭晏端書李定太曰前因浙江江山等縣已先後克復福建賊氛日熾諭令晏端書周天受等迅卽派員將福興所有兵勇帶赴閩省援剿現已改派李定太總統浙江諸軍如福興原帶兵勇尙未量閩著晏端書會同李定太卽派得力大員統帶

前往毋再延緩李定太旣膺總統之任自應分投策
應不當株守衢州饒廷選雖因失事革職究係久歷
行陣堪以留防衢城毋稍疏懈

初四日

丁丑

署閩浙總督福建巡撫慶端護理福

建巡撫布政使瑞璜奏言江右大股逆匪闖入
閩疆竄陷建甯府屬之浦城松溪政和建陽並
邵光郡縣賊勢極爲臨張而延屬將樂順昌沙

縣等處土匪復與勾結滋蔓其汀州府屬之武
平等處亦有外匪窺伺肆擾雖經調撥勁旅分
路堵剿第多屢挫之師旣難望其得力且兵數
有限而賊匪衆多苟非鄰省生力之軍來閩援
剿勢難遏此兇鋒迅圖恢復伏查湖北省軍務
業已告蕝其統兵將領參將石清吉遊擊張萬
祿守備田聯升及其所統勁旅均係驍勇善戰

久歷戎行現在閩省情形待援孔殷請

飭下湖北督撫臣尅日派調各該員兼程馳援並於所
統勁旅內酌撥精銳數千隨帶來閩會同兜剿

奏八

上命軍機大臣傳諭官文胡林翼曰福建省頻年用兵
已成積疲之勢慶端指調之參將石清吉遊擊張萬
祿守備田聯升及其所部兵勇是否現在湖北著官

文胡林翼查明該員等如帶兵要地不克分身卽毋庸議儘可抽撥卽飭該員等各帶勁旅迅速赴閩交慶端調度毋稍遲延

慶端又奏言江右大股賊匪竄入閩疆由莒口乘鍾登船水陸齊攻建陽縣城於五月二十七日失守文武官員不知下落駐紮大幹之參將黃挺秀陷賊陣亡查建陽爲建郡門戶該縣旣

已失守勢必直薄郡城且建陽浦城松溪政和
四路逆匪各占一城總兵林向榮雖已抵建所
帶兵勇無多而約計陽浦松政四縣粵逆土寇
不下二三萬人況大幹失陷順昌迫近賊氛延
平尤關緊要臣前調之雲霄漳州水師提標各
兵尙未到齊上游岌岌堪危救援實難稍緩惟
有先將省標兵四百名泉州勇三百名親自統

帶於六月初十日由省起程馳赴延平府城駐紮嚴督各路官軍相機剿辦

同日晏端書奏言各路悍賊盡竄處州其大股復麕聚於松陽周天受飭令周天培等由宣平馳赴松陽相機進剿並令陳開選等由縉雲進攻處州六月十三日陳開選等禦賊於桃花嶺當經擊退卽由荆坑出嶺步步移營進紮直逼

郡城周天受復飛調已革守備瞿先仲等軍移紮永康以備後路策應一面知照溫處道俞樹風總兵葉炳忠福昇從海口督隊進攻並擬抽派吳再升一軍由問道馳赴青田助勦陳開選等派令敢死之士數十人裝作鄉民潛入城中縱火十五日夜半遙見城中火起立即分隊而進該鎮道督率兵勇亦由石帆前來會合夾擊

斬獲甚多逆衆自相踐踏亂竄山城奔往松陽
一路當於十六日收復郡城周天受現已馳赴
宣平督隊追勦所有松陽雲和各路賊蹤當不
難一律蕩除進兵赴閩會勦臣飛咨李定太於
江山遂昌各路一體嚴防回竄並飭該管鎮道
駐紮郡城速將防守安撫事宜妥籌辦理均奏

上命軍機大臣傳諭慶端曰建陽縣城失守建甯危急該署督既經親往延平督勦自當速籌進取先杜其分竄之路方能力固藩籬現在浙江處州已報克復前調福興所帶現在衢州之官兵二千五百名飭令赴援閩省業經晏端書飭令先回玉山本日已諭知耆齡與李定太就近商派得力將弁統帶赴閩儘能由浦城一路轉戰而前即可與閩兵前後夾擊該署

督所帶兵勇無多前調之漳州雲霄等兵卽著飛催
務當嚴明賞罰統帶得人不可任其延玩所請調湖
北官兵並參將石清吉等已有旨諭令官文胡林翼
酌量派撥至請保鄉團出力人員已明降諭旨准其
隨時奏保該署督卽行出示曉諭俾人思自奮可收
衆志成城之效建陽縣文武下落並著查明具奏

上又命軍機大臣傳諭晏端書耆齡李定太曰浙江處

州府城已復而松陽雲和等處尙未肅清江山遂昌
各路須防回竄且恐其竄入溫郡與閩省賊匪通連
尤屬難於收拾晏端書惟當會同李定太嚴飭各軍
分路截勦肅清浙境不可專顧一處致令再有延蔓
至福興所帶兵在衢州者尙有二千五百名屢諭晏
端書等派員管帶赴閩援勦現在建陽又陷建郡危
急著耆齡迅卽查明福興原帶兵勇如果尙未赴閩

卽派得力大員統帶前往毋再延緩

上諭內閣曰官軍克復處州府城勦辦尙爲得手著晏
端書李定太嚴飭在事將弁將逃竄各匪分路掃蕩
務令浙境一律肅清毋稍延緩

慶端又奏言閩省軍興以來各紳民設局團練
助官殺賊業已著有成效如上年建甯府城被
匪圍攻三十餘日全賴團勇協同守禦城池得

以無恙泉州府城兩次被匪攻撲城內男婦老幼登城助戰紳商士庶費粥餉師以故立解城圍地方鞏固此外省垣及各屬亦多賴團練之力保衛閭閻所有出力人等雖經查明奏請

恩施第其中遺漏未獎者恐亦在所不免此次江右逆匪復竄八閩尤賴團練聯絡勦力同心自應確切查明如有實在出力未邀獎敘者補行奏獎

庶足以昭激勸奏入

上諭內閣曰福建省上年被賊竄擾各屬團勇戰守出力經王懿德保奏業經給予獎敘特恐其中不無遺漏之人著卽查明補給獎勵建甯一帶賊蹤逼近該紳民等有能團練殺賊保衛地方者著該署督隨時奏獎毋稍稽延並卽出示曉諭俾紳民人等同心敵愾以收衆志成城之效

初九日

壬午

晏端書奏言查福興舊部兵勇現尙

駐紮衢州東門外其帶兵官內有雲南楚雄協副將張騰蛟職分較尊應卽責令該員統領得力將弁隨同饒廷選卽日督帶起程從江山馳赴浦城聽候署督臣慶端派撥防剿所有江山之師已據李定太派令副將陶茂森等統帶各隊紮出大竿嶺以剿爲防並派九江等營官兵

一千餘名爲後路接應至松陽餘匪竄往龍泉
該縣亦與浦城接壤客臣飛咨周天受迅速剿
辦完竣卽從龍泉出師會剿

晏端書又奏言張芾奏叅周天受貽誤浙江軍
務臣確加訪查實係傳聞之誤惟周天受道出
湯溪其後隊兵數十名因索取民間什物互相
鬪殺當經周天受出示安民其在金華五月十

三日兵勇入城中祝神宰牛有薛姓鄉民疑與
伊家從前被失之牛相似向兵勇查問致起釁
端團勇被殺五十餘人卽據周天受彈壓出城
交地方官查明審辦此外別無滋擾之案臣思
周天受之才實在皖南諸將之上前經奏請

賞加提督銜總統浙江諸軍何桂清奏請

飭令幫辦浙江軍務原所以勵將才而全大局如果周

天受實有貽誤之處臣斷不稍事回護現於旬日之間已連復金處各郡縣一俟浙江軍務告竣臣擬卽奏請援勦閩省尤不得不將其並無貽誤情形據實奏明

晏端書又奏言據署遂昌縣知縣鄭崇暄等稟稱六月十九日率領民團練勇追勦逆匪至松陽縣境之橫樟地方適周天受統兵馳至兩路

夾擊我軍勇氣百倍遂於二十日將松陽縣城
克復所有詳細情形容俟查明再行具奏奏入
上命軍機大臣傳諭晏端書耆齡曰晏端書奏衢州尙
有福興所帶兵勇擬令副將張騰蛟統領隨同饒廷
選從江山赴浦城等語饒廷選已開復總兵著卽帶
漳兵漳勇福勇馳往浦城等處援剿其玉山兵勇除
留防外並著耆齡酌撥派員統帶赴閩助剿現在浙

江已克松陽餘匪竄往龍泉著飭周天受卽由龍泉
取道進攻毋令匪勢蔓延周天受破桑帶兵遲延已
據晏端書奏稱查係傳聞異詞惟在金華等處兵民
互鬪致有殺傷究屬約束無方念其屢次克復城池
業經降旨俟浙境肅清再行加恩該總兵但當感激
圖報奮勉立功其松陽克復情形仍著該撫查明具
奏

上諭內閣曰前因張芾奏叅周天受在浙江調度乖方縱兵騷擾當經降旨將該總兵革去提督銜毋庸總統浙江軍務茲據晏端書奏周天受帶兵援浙以來並無遷延貽誤並經克復松陽縣城周天受被叅各款雖據該撫奏係傳聞之誤然其在金華湯溪致令兵民互相鬪殺亦不得謂無罪惟念該員屢次收復各城著有勞績仍責令奮勉圖功俟浙江全境肅清

後著和春據實保奏候朕施恩

晏端書又奏言前因浙江防務緊急衢州鎮總
兵饒廷選所轄地方連陷三城不能進圖恢復
經臣奏參革職留營茲查饒廷選自被參後深
知愧奮且拊循士卒力保郡城於衢州解圍後
江山常山等縣城池均經督飭地方文武次第
克復衢嚴一律肅清功過尙足相抵合無仰懇

天恩准予開復原官仍以總兵

簡用之處出自

聖裁奏入

上諭內閣曰饒廷選著准其開復原官仍以總兵簡用

初十日

癸未

和春何桂清趙德轍奏言查福建之

浦城界連三省地勢獨高比窺浙江西瞰江西
皆據建瓚之勢今爲敗匪屬聚擾及崇安建陽

松溪政和不獨建甯延平有累卵之危卽福甯
亦有旁竄之虞若由崇安回犯江西之鉛山則
廣信一帶又將糜爛或由松溪政和回犯浙江
之慶元景甯則溫處二府均須戒嚴周天受現
由龍泉進剿自能會商李定太酌量緩急隨機
堵剿而江西鉛山一路餉絀兵單浙江兵力不
能兼顧鉛山廣信一帶實屬可虞儻稍有疏失

則三衢仍行喫重金陵大營亦爲牽掣相應請
旨飭下侍郎曾國藩速移援浙之師由鉛山直搗崇安
臣等分別咨行晏端書周天受督飭饒廷選由
江山前往並責成總兵周天培卽在金陵大營
援浙兵勇內挑選精銳三千數百名由龍泉一
帶追勦赴閩與饒廷選會搗浦城並飛咨署閩
浙督臣慶端由建甯一帶迎勦而上則三路夾

攻不難聚而殲旂奏八

上命軍機大臣傳諭官文胡林翼曾國藩曰前因浙江軍務緊急諭令曾國藩赴浙勦辦現在衢州業已解圍處州等府縣亦相繼克復境內餘匪不難剋日肅清惟閩省浦城崇安建陽松溪政和等處賊勢蔓延亟應趕緊勦辦和春等現飭總兵周天培於援浙兵勇內挑選精銳三千數百名由龍泉一帶進勦饒廷

選帶漳州兵勇亦馳往浦城會國藩業已奏報起程
著卽以援浙之師由江西鉛山直擣崇安相機進剿
迅將閩省各匪一律掃除毋稍延誤

十二日酉乙楊載福奏言查安慶府城經我軍將

該匪礮船焚奪殆盡後城外西南一帶加築牆
壘添設礮位我軍疊次進攻堅踞不出師船偪
近則大礮連施徒損精銳未有成效蓋安慶之

賊倚石牌爲陸路屏障刻下陸師未到水軍但
攻西南故難得手而下游之賊復時時接濟賊
糧往來助戰六月十一至二十七等日臣督帶
各營戰船駛過安慶行至李陽河探訪賊情據
該處居民稱縱陽內河有賊匪礮船數十號大
通之賊築有大石壘一座兩處均有悍賊踞守
臣當派王明山等往縱陽自帶丁泗濱等四營

進攻大通中途北風大作舟不能前暫就港外
停泊旋據王明山等稟稱縱陽果有賊船二十
餘號見我軍前隊將近卽開礮抵禦王明山督
率各哨首先衝入港內拋擲火毬適值萬化林
等二營繼至槍礮齊施當將所有賊船焚燬淨
盡斃匪甚多臣仍率四營進次大通該匪偃旗
息鼓示我以虛及師船近壘彼始連放排礮子

如兩下何瑞祥率親兵左營衝過牆子從下首
登岸督隊攻擊丁泗濱等從上首登岸均各奮
勇力攻賊不能支始棄壘奔竄各營追殺五六
十里方行收隊計奪獲大礮十六尊小槍擡槍
刀矛旗幟甚多斃賊百數十名進次銅陵縣該
匪於東門外挖有寬深長濠濠內密釘梅花椿
護衛城垣而南西兩門水流環抱中有暗隄阻

礙船不能入北門外港內舊有一橋橋上新築
石壘一座密安槍礮劉德亮丁泗濱帶隊登岸
力攻城東北何瑞祥等力攻橋上石壘未能得
手劉德亮手執大旗身先士卒進逼北城牆下
連拋火彈該匪亦連放排礮劉德亮身受七傷
不稍退卻該城仍堅不得下臣恐傷銳氣因令
收隊率衆下駛行至魯港駐紮會同總兵吳全

美率隊進次蕪湖察看形勢該匪於南岸修有
石壘六座北岸亦有六壘兩相對峙均密排大
礮牆外濠溝圍繞徧釘木椿驟難進攻仍回魯
港紮住因思蕪湖旣非一時可拔而安慶未克
黃石磯老營不便下移雖留數營扼守上游江
面終慮該匪乘臣遠出前來偷撲究難放心適
乘北風之利率師西上回至黃石磯駐紮俟李

續賓都興阿等馬步隊至併力圍攻安慶其陣
亡員弁應請

飭部從優議卹

楊載福又奏言臣於東流克復後卽派都司宋
美富在該處巡防並增建德縣賊出江之路五
六月間兩次進攻建德賊目僞招天豫全股逃
竄初三日僞因天福率賊千餘由官困敗回仍

竄踞建城旋有被賊脅從商民張太忠至該都
司處投誠所帶四百餘人紮在建邑烏源地方
願爲前隊又有該邑紳士徐德宣等與金壇等
處團勇約會張太忠合攻建城宋美富等帶三
板八號進勦率同團勇攻破賊卡二座將至堯
渡街逆衆蟻擁而出我軍詐退王金楷等仍帶
三板回擊當斃騎馬賊十數名步賊百數十名

賊卽回竄城內我軍將兩岸竹筏燒燬該都司
自帶三板十二號至堯渡街賊由兩岸繞出我
軍之後當卽施放槍礮擊斃甚多該匪乘夜出
城逃走宋美富整隊進城建德縣城卽於六月
二十四日收復張太忠仍率隨來投誠之人駐
紮葛源防堵暫由該處紳士籌辦善後事宜奏

上諭內閣曰楊載福統帶官兵駛過安慶派令王明山等進攻縱陽所有賊船焚燬淨盡斃賊甚多進攻大通賊衆棄壘奔竄官兵與投誠商民張太忠合攻建德縣城該匪等乘夜出城逃逸當將縣城克復其進攻銅陵縱陽陣亡之儘先都司李洪勝外委盛大發汪山友劉升秦均著交部從優議卹

十三日 丙戌 鑲黃旗蒙古都統勝保奏言懷遠賊

勢漸蹙恐其被偪東竄擬親赴鳳臨一帶督率
布置查臨淮爲清江門戶現聞有賊船下駛水
陸兩路不可不防請

旨飭令袁甲三進扼淮河北岸以期聯絡聲勢至李兆
受又遣人來密稟欲先獻滁州再圖收復別縣
並攜有廬江僞檢點易侍欽等稟函欲俟李兆
受事定隨獻廬江稟內詳述賊情有粵逆僞城

天豫陳玉城等率衆明攻六安暗襲廬郡等語
臣前派赴滁州之員亦先後回營所稟相同除
一面飛咨安徽撫臣囑其早爲籌備一面派令
副將慶端前往關山一帶復諭知李兆受早定
投誠之計勿再稽遲臣於到鳳陽後酌量彼處
情形擬卽親由鳳陽前往料理招撫李兆受事
宜如能仰仗

天威使粵賊黨與去逆效順獻城助勦則南北可望肅清於軍事大有裨益奏入

上命軍機大臣傳諭勝保袁甲三曰勝保親赴鳳臨一帶並就近將李兆受一股相機招撫自係爲全淮大局起見卽著前往布置臨淮水路既有賊船下駛尤應實力堵禦以固清江門戶並著袁甲三卽與勝保合兵會勦務由淮河北岸節節進攻使該匪不至南

趨定遠東擾盱眙以免日久延蔓

十五日戊子晏端書奏言自處州克復後敗匪盡

聚於松陽之竹坑口以薄刀嶺爲屏蔽地勢極爲險峻總兵周天培自宣平移師往勦必從薄刀嶺進兵當飭副將郭啟舉等各帶精銳銜枚越嶺埋伏於竹坑口之左右周天培親率遊擊馬承恩等督隊前進該逆一見我軍旗幟蒼黃

失措周天培卽揮令各軍施放擡礮鳥槍轟勦而下自薄刀嶺至竹坑口一路賊卡盡行縱火焚燒逆黨中槍焚斃者不少正酣戰間東西兩路突出賊援三四千前來抗拒適周天受親帶都司榮陞等馳至兩路夾擊民團隨同助勦斃賊無數餘逆捽死由南路竄往龍泉一帶其時有回竄遂昌者當被我軍擊轉並據署知縣鄭

崇暄等各帶練勇追勦而至馳出松陽二十餘里橫樟地方沿途擒斬甚多屍橫徧野遂於六月二十日克復松陽遂昌境內亦已一律肅清其雲和之賊先經溫處道俞樹風飭令州同金福清等分帶練勇並署溫州鎮總兵葉炳忠等帶勇馳赴雲和號召民團相機進勦該弁等抵溪日莊適知縣吳瑞龍帶勇援勦隨卽會同進

紮前溪該逆出隊迎拒我軍奮力衝入立斬紅
衣騎馬賊目三名逆眾驚潰兵勇四路追勦殲
斃一千餘名落水死者無算餘匪從七赤一帶
遁往龍泉小路遂於十七日克復雲和洵堪上
慰

宸廑奏入報

聞

欽定勦平粵匪方略卷二百 戊午年

七月十九日 壬辰署福建漳州鎮總兵周

言查福建之浦城接壤龍泉 臣親督兵勇直攻

浦城檄令副將張騰蛟統帶兵勇繞出賊前馳

赴延平聽候署督 臣慶端調度惟閩省賊勢已

漸蔓延腹地 臣督軍由浙跟勦並咨會李定太

由江山仙霞關一帶進徇閩疆又已革總兵饒

廷選於福建軍情民情俱爲熟悉臣復於三衢
抽撥漳兵二百名漳勇九百二十六名福勇三
百零八名交饒廷選統帶赴閩令其多集民團
並聽邊端指示機宜備逆匪窺伺省垣臣卽會
同耆齡由江西出師李定太由仙霞關出師慶
端由延平出師臣由龍泉進攻浦城四面兜剿
現在雲和縣甫經收復餘匪尙在龍泉盤踞民

心未定臣暫紮雲和督催周天培等剋日收復
龍泉先靖全浙奏入

上諭內閣曰署福建漳州鎮總兵周天受著加恩賞還
提督銜卽著馳往福建與周天培饒廷選張騰蛟等
分路進剿俟前任侍郎曾國藩到後卽歸曾國藩調
度

二十日癸巳官文奏言湖北撫臣胡林翼親母湯

卷一百一十五
二
氏年八十三歲於七月十一日在署病故該撫
臣係親子例應丁憂回籍守制第思胡林翼自
蒙

恩簡任以來吏事兵事極力整頓剔錢漕之弊綜牙釐
之綱實能於征餉源源接濟且東征諸將如水
師之楊載福彭玉麟陸路之李續賓唐訓方李
續宜等俱各推誠信服楚北軍務臣總司領要

良由該撫臣和衷共濟相與有成茲丁母憂在
該撫臣哀毀之誠出於天性似不忍遽奪其情
惟湖北爲東南大局所繫軍務一切正當喫緊
之際若遽更易生手不惟籌餉諸政未易得其
綱維卽下游諸將士亦恐遽難聯絡可否令胡
林翼遵照軍營舊例穿孝百日改爲署理湖北
巡撫百日之內循例由臣暫行兼署如有要件

仍與胡林翼商酌辦理奏入

上諭內閣曰湖北巡撫胡林翼自邀簡任以來時閱四載於吏治兵事均能實力講求現雖闔境肅清而大軍水陸東下進止機宜尙待調度籌備餉糈亦關緊要該撫現丁母憂著照軍營例穿孝百日加恩賞銀四百兩卽由湖北藩庫給發俾經理喪事所有湖北巡撫印務著官文暫行兼署胡林翼俟百日後仍著

署理巡撫如扶柩回籍再行賞假兩箇月俟軍務完竣准其補行終制以遂孝思

同日和春奏言官兵規取金陵密築長圍斷其接濟都司盧起陞等管駕紅單拖罾各船先後在雙湖口金柱關壽德洲江面擊沈來往賊船六隻奪獲二十餘隻斃匪無算生擒僞指揮等十餘名該逆屢經懲創因大江出沒未便復於

壽德洲潛築營壘一座開掘寬溝欲通內河舟楫並調集城中醜類三四千分守太平神策各門暨雨花臺賊壘揚言卽日乘虛分撲臣接據探報卽飭總兵李若珠會督水陸官兵規取壽德洲逆壘一面派撥鎮將部伍三軍相機攻擣南北各賊營爲先發制人之計七月初五日李若珠督同參將王夢熊等各派隊伍六成以二

成乘舟進攻四成由河洲墟進剿並帶劈山礮
以資攻擊其水師賴鎮海等督帶拖罾紅單各
船馳至壽德洲西面會擣臨江新城賊營守備
王家謨督帶四船駛進雙牖口攻勦洲中老賊
營以分其勢盧起陞等會同都司陶占魁等指
揮水陸兵勇登岸長驅擊斃守卡賊數十名焚
燬賊卡二座賴鎮海帶領小隊由洲東登岸焚

燬賊卡二座我軍乘勢搶越賊濠拔去木椿正
欲緣壘而上槍礮火彈紛紛四射未便仰攻遂
將護巢賊船一律焚燬其洲上老營之賊擁出
洲邊往來抵拒亦經王家謨等奮力夾攻擊斃
洲邊逆匪數十名逆勢不支俱向下關而遁初
八日總兵張玉良等攻太平門之左總兵王浚
等攻太平門之右總兵馮子材等各率所部分

爲兩翼抄襲金川門賊壘並飭都司張瀚管駕
艇師乘風揚帆疾攻七里洲以分賊勢我師先
後銜枚渡濠越過二道濠溝王浚張玉良揮令
大隊一擁而進轟斃站牆賊匪多名正鏖戰間
突見太平門竄出逆黨千餘抄我後尾來勢甚
張余兆青等各帶精銳分伏龍脖子岡排列擡
槍礮位四面轟擊將賊隊衝爲數股其氣始奪

官兵乘勝兜剿殲賊甚多其金川門賊營經馮子材等設法誘敵俟其出巢我師且戰且退漸至湖隄陳步高等左右環攻馮子材帶領馬步小隊橫衝盪決手刃黃衣賊首二名逆勢大潰時儀鳳門匪黨二千餘人見我兵勢盛未敢來援一路跟蹤追剿淹溺及殲殪者又數百人是日南路各營同時出隊總兵戴文英等爲東路

副將馬德昭等爲西路會橋兩花臺賊巢遊擊
馮觀勝等分投設伏作爲疑兵張國樑親督遊
擊楊福增等往來策應向奎等首先踴躍踰溝
將守卡之賊全行殲斃張國樑整隊山岡瞭見
南門左右旗幟參差懸互約二三里當飭馬德
昭等率捷勇親軍飛奔追勦一面舉放號火伏
兵四面包抄賊錯愕不知官兵多寡但聞呼號

奔潰之聲直至城根因槍礮雨注未能進攻共計斃賊一千餘名至上游江面軍情福建提督楊載福統帶楚師由安慶馳抵荻港與李德麟等會晤並欲親赴金陵面商攻勦李德麟於六月十七日督帶師船進勦江北泥汊河賊巢親率守備沙成祥等指揮兵勇搶過外濠一擁而入短兵相接殪賊甚多當將泥汊河逆壘二座

木卡四座全行踏毀斬馘二百餘級生擒僞檢
點等四十三名楊載福師船現在圍攻安慶一
時未及下駛已飭會同吳全美聯絡水師肅清
江面陣亡千總陳榮標等二員應請

飭部從優議卹奏入

上諭內閣曰金陵逆賊經此次痛剿勢已窮蹙仍著和
春督飭水陸鎮將迅速攻克盡殲醜類毋稍稽延陣

亡之千總陳榮標外委周永順二員均著交部從優議卹

同日

上諭內閣曰浙江軍務平定全境漸就肅清和春著毋庸前赴浙江總兵李定太前令幫辦和春軍務此時與周天受等會剿竄閩各匪著統歸曾國藩調度曾國藩未到以前卽歸慶端調度

聞

和春又奏言臣遵飭傳振邦酌帶兵勇起程速
回徐州本任其灣沚堵剿事宜查有皖南防堵
之貴州大定協副將米興朝人甚勇幹堪以派
往接辦隨同鄧紹良籌商防剿可期得力奏入
報

二十三日

丙申

安徽巡撫翁同書奏言臣於七月

十二日由東安山僻小路馳至盱眙縣之三界
地方途遇福濟始知巡撫印務現交藩司李孟
羣署理其廬城內有副都統麟瑞等駐守德安
亦以養病回廬勝保已先至清流關受李兆受
之降旋晤勝保於池河驛詢悉招撫大略情形
臣仍飭總兵塔思哈督帶兵勇三千餘人嚴守
關山毋以李兆受業已投誠稍涉大意廬城尙

有馬步兵勇數千又有李孟羣帶來之勇萬人在南路紮營計尙足敷防勦十五日臣在定遠途中探知三河賊匪大股出竄桃鎮窺伺廬郡十六日探知廬郡兵勇於十五日早間出隊賊有數萬未及交鋒敗散無遺賊已入城廬郡爲南北要衝從前失陷時兵力餉源尙屬可恃今日情形迥非昔比皖北軍政廢弛非潰兵所能

支持惟有顧懇

天恩飭撥精兵數千前來堵剿以濟目前之急

同日李孟羣奏言近因楚軍東下沿江賊匪竄入舒城者不下二萬餘人各路賊援屬聚又在舒南七里河及乾沙河等處連營數十座逆首陳玉城又帶領大股由霍山青田畝竄至舒西曉天鎮直抵中梅河意在抄撲我軍後路各營

偏城進攻一面分布團勇由西而南責令紳董
人等堵扼各卡而逆首僞亮天侯等又已蠱擁
而來查陳逆前由麻城竄回六安經臣軍擊退
折往霍山復經代理縣王自箠集練堵擊該逆
復勾結潛山老賊爲乘隙再犯六安之計茲又
內犯廬州臣前派知府袁懷忠迎勦兵力本單
營總訥依奉阿馬隊二百名雖准留臣營助勦

又已由英山折回歸隊袁懷忠帶勇千餘分駐
霍界之管駕渡暨六安之毛坦廠蘇家埠以防
爲勦兩見賊匪改道東竄知其援應舒城卽督
派通判袁昌鵬等帶隊迎敵於毛竹園中梅河
等處該逆後隊又分踞三元觀袁懷忠督帶勇
練進勦復遇賊於毛竹園我軍奮力攻擊斬獲
賊首十八級現仍督會練勇分駐霍六地方以

資堵截又知府李保邦經臣派令帶勇接應舒
營以勇丁三百人擊賊於豐樂河疊獲勝仗臣
現已帶領親軍於廬城東南紮營就近會同副
都統麟瑞等督飭各鎮將嚴加防勦仍懇

飭下湖北督撫迅催李續賓速統所部由英霍繞攻舒
城與廬州各軍聯絡一氣至鳳臨北路有道員
黃元吉一軍由紅心進紮總鋪牽制賊勢勝保

復親至關山督同塔思哈等密圖滁全招撫李
兆受如撫議早定諒可回攻臨淮藉省兵力提
臣德安因病回廬所有大樹街防剿兵勇暫交
副將鮑雲翥督率統帶現因舒城喫緊星速調
派同援並調總兵吉順所帶馬隊赴廬策應撫
臣翁同書由江浦帶兵起程計日可到臣自當
稟商布置以期無誤事機均奏入

上命軍機大臣傳諭勝保翁同書袁甲三曰廬營將驕
兵情至於如此實爲可恨已頒給勝保欽差大臣關
防並令翁同書幫辦軍務以重事權翁同書由定遠
前進不日當可抵廬著卽嚴督各路兵勇力圖克復
如有鎮將不遵約束兵勇輒行譁潰者卽行從嚴叅
効按律重懲使咸知儆畏不至仍蹈故轍李續賓一
軍已行入皖境但由潛太一路直攻安慶係沿江進

剿恐其攻剿愈急賊愈北趨現已諭知官文令其知
照都興阿李續賓酌分勁旅由舒桐一帶赴援廬州
著翁同書卽行就近咨商究能分兵若干卽催令迅
速繞道赴援力扼賊匪上竄之路惟楚軍繞越需時
卽勝保督兵懷遠亦未能剋日抵廬著翁同書咨商
德興阿先行酌撥馬步官兵前往協剿俟勝保全軍
到廬或楚軍趕到再行酌量撥回勝保在滁州招撫

李兆受後仍擬回攻懷遠著布置停妥俟袁甲三馳抵懷遠或亦至鳳陽將三省會勦事宜交袁甲三督辦勝保卽進攻廬州不准避難就易惟袁甲三究係文員尙須武職得力大員幫辦方妥並著勝保袁甲三會同商定一員奏明請旨至李兆受投誠旣經勝保傳旨賞給頂翎但其舉事尙未定期若先行降旨洩漏事機恐未遂投誠先爲粵逆加害是以待其獻

城舉事卽行破格獎賞勝保可將此意密諭知悉俾無疑貳至滁州城內既有僞國宗楊逆盤踞何以任聽委員出入而李兆受出城迎降楊逆竟若罔聞究竟有無奸僞仍當隨時體察不可稍存大意李孟羣已革職留營著卽飭令收拾潰兵力圖自效

上又命軍機大臣傳諭官文曰廬郡爲皖省腹地南北要衝舒桐聚匪尙以萬計廬郡旣失恐大局不堪設

想現在楚軍水陸馬步數萬悉由太湖安慶進攻賊
必北竄著官文卽行知照李續賓都興阿等先其所
急改道赴援廬州俾李孟羣亦得收集潰兵會圖克
復兼扼賊匪北趨或不能全數赴援亦當酌撥勁旅
前往助攻毋稍延誤至沿江一帶亦關緊要楊載福
師船尙在黃磯駐紮亟盼李續賓等陸路馬步到後
會檣蕪湖並著官文知照李續賓等酌留兵勇會同

廓清江面毋致顧此失彼

上諭內閣曰鑲黃旗蒙古都統勝保著頒給欽差大臣
關防督辦安徽全省軍務安徽巡撫翁同書著幫辦
軍務所有皖境各軍均歸節制以資統率其三省勦
匪事宜卽著袁甲三督辦

上又諭內閣曰廬州省城失守現已授勝保爲欽差大
臣並令翁同書幫辦軍務著卽督飭將士實力攻勦

務將廬州城卽日克復毋任逆賊久踞署安徽巡撫
李孟羣駐兵店埠省防是其專責何以不豫籌救援
著卽革職留營並著勝保翁同書查明該革員失事
情形及在城文武下落一併叅奏

二十四日丁酉綿洵奏言湖北撫臣胡林翼現丁

母憂例應回籍守制臣查湖北歷年軍務極爲
棘手臣前在軍營見督臣官文寬而能明撫臣

胡林翼嚴而有法和衷共濟盡力整頓使部下
各軍聯爲一氣逐節勦辦是以師出有功肅清
全楚而南省水陸各營尤非撫臣不能統馭至
其整飭吏治籌辦餉需更能井井有條自去年
以來紀綱業已大定現在專心籌勦皖賊水師
已近安慶而北岸馬步各軍由宿松太湖英山
等處層層布置擇要進取正當萬分喫緊之時

若令其丁憂離任不但督臣大失指臂之助且慮南省各營無所統制東南大局攸關可否籲懇

聖慈飭令撫臣胡林翼在任守制以合古人墨經從戎之義實於軍務大有裨益奏入

上是之

同日慶端奏言江右逆匪擁衆圍攻甯化縣城

卽經汀州府知府雷瑞光撥兵馳援與在城文武竭力守禦城內兵勇單薄於五月二十五日被該逆乘隙竄陷臣查汀州軍務喫緊前經檄飭駐紮沙縣之道員揭垂奎俟沙縣情形稍鬆馳赴歸化甯化相機勦辦詎沙縣土匪復熾歸順匪徒竄至富口通門隴東等處距沙縣縣城僅十餘里情形危急現經臣檄飭副將沙肇修

統帶長福營兵二百名並飭知縣王金鏞雇募
壯勇會同馳往勦辦是沙縣勦務日緊揭垂奎
未能馳赴甯化且無兵勇可以分撥延建邵一
帶逆勢猖獗餉絀兵單專望鄰省援師速來救
應前經調撥廣東潮州鎮壽山統帶兵勇二千
名取道汀州會剿迄今尙未抵閩現在甯化失
守汀屬軍務緊急請

旨飭催廣東督撫臣勒令壽山速統兵勇兼程馳至汀州會同官軍探賊所向痛加圍剿克復縣城仍酌撥餉糈委員隨軍支應以資挽救奏入

上命軍機大臣傳諭黃宗漢畢承昭曰前因王懿德等奏閩省軍情緊急曾諭黃宗漢飭令壽山統帶兵勇二千名赴汀州一帶協剿已閱三月未據覆奏現在閩省延建邵等處賊氛日熾汀屬之甯化縣復於五

月二十五日失陷本省無兵可撥著黃宗漢等仍飭該總兵帶領前調兵二千名迅赴汀州若壽山一時未能出省卽著另派得力鎮將帶兵前往會同福建官兵迅圖克復甯化縣城毋稍延誤

慶端又奏言建陽逆匪被聯甲擊敗六月十四日城池克復餘匪竄往北路蔣口等處光澤縣城亦卽收復其順昌之匪被我軍連次擊敗後

城圍已解賊勢漸衰軍威稍振仍飭臬司保泰
嚴催行開文武探賊所向跟蹤追勦務期盡殲
醜類第邵武郡城及崇浦松政四縣均爲賊踞
建陽雖已收復而逆匪竄至營頭圍撲永吉該
處爲建郡門戶且係上通浦城扼要之區其聯
甲素稱勇敢屢次殺賊現經臣檄飭林向榮移
師永吉督同勦殺建陽縣城亦須屯紮精兵與

永吉作犄角之勢查都司武明良現駐黃坑已
飭折赴建陽約會永吉勇丁合力攻勦一俟該
處賊匪蕩除再與署延建邵道袁績懋一軍分
道進取邵武轉攻崇安浦城其順昌土匪經我
軍擊退後逃竄嵐下追近大厝口臣當就延城
兵內抽撥兵丁二百名前往扼要堵禦一面飛
飭參將黃禮鈐統帶金門精兵迎頭截擊至福

甯地方防堵兵勇本屬單薄現聞浙江景甯縣城失守賊燄方張該處相近福鼎壽甯防範更宜嚴密亦經抽調水師提標五營精兵三百名派委守備陳世英管帶前往並由護理巡撫臣瑞璣由省派勇五百名交候補道周揆源會同護福甯鎮池建功察看情形擇要堵禦仍撥兵由獨嶺前進會合都司陳青等剋期攻擊政和

賊匪務將縣城收復以次進攻松溪奏入

上諭內閣曰江右逆匪復竄建陽本年六月間業經聯
甲擊敗收復縣城圍攻順昌之賊亦經我軍屢次擊
退保固危城著該署督卽飭帶兵文武員弁將竄逃
各匪迅速剿除以次收復政和等縣毋令蔓延至光
澤縣城前據王懿德奏已於四月間經副將賈開泰
等督兵克復業經降旨令該督等將出力員弁及陣

亡聯首等分別查明具奏著慶端仍遵前旨辦理

二十五日

戊戌

德興阿奏言查滁州之匪陸續增

添又分黨數千竄駐烏衣本月十五日該逆小

股竄至東葛西葛經副都統台斐音保帶領馬

隊由小店迎截因該逆望風而逃遂紮隊西葛

鞠殿華亦帶領馬步各兵由浦營進紮西葛十

六日賊大股續到鞠殿華派參將吳奉龍等各

帶兵勇爲前敵台斐音保爲左翼營總都隆阿
爲右翼自率遊擊洪祿等由中路前進行過西
葛數里賊卽蠡擁而來正在酣戰該逆忽從小
路抄出一股截我大隊經馬隊趁勢衝入將賊
分爲兩段台斐音保由左翼包抄都隆阿由右
翼包抄鞠殿華直搗中堅我軍銳氣百倍各路
殺賊喊聲若雷刀砍矛刺賊屍遍野其撲入水

塘死者無算賊勢不支紛紛敗遁我軍四山搜
壓追過十餘里共斃賊四百餘名砍獲首級一
百十二顆生擒賊匪三十一名至浦營爲江北
根本九洲洲雖阻江湖實據浦口之門戶臣派
趙樹棠博奇等分紮寶塔根鐵佛寺大定山其
地皆緊靠大營左右西路則派安勇等守石磧
橋富春馬國陞守高旺北路東路則派富明阿

守施官集並顧六合及雷官集等處溫紹原守
六合並撥六合練勇守雷官集穆克登額帶馬
隊羅玉斌帶步兵守來安毛三元守揚州之瓜
州三汊河各路馬步兵勇或多或少擇要分布
有警則奮勇向前賊多則添撥援應海全一軍
駐紮石佛寺無論何處緊急皆可策應江面環
抱浦營水師亦甚喫重確探賊於上游東西梁

山趕造戰船甚急須防竄突臣查自浦口至六

合大江南岸之八卦洲螞蟻腰觀音門烏龍山
周家山石埠橋北岸之關門橋黃敝河卸甲店
通江集段要口處處可渡現在祇留石埠橋段
要口准其南北對渡上下渡船提集該處此外
江面概行封禁其觀音門以上螞蟻腰等要口
由臣專派陳世忠留船防緝北岸各口經溫紹

原選派員弁逐段認真辦理溫紹原仍不時往來稽查又飭水師擇用大號巡船六隻在南岸各要口出入處所輪替梭緝兼資接應並飭上游黃彬李新明下游陳國泰周希濂相風整隊奮銳進攻陳世忠於寶塔根一帶連檣會哨務使聯絡無隙防勦兩俱得力奏入報

二十七日庚子何桂清趙德轍奏言金陵逆匪窮

蹙克復之期不遠一切善後事宜必得熟悉情
形素得民心之大員專司督辦臣等查有常鎮
通海道喬松年在任聞訃丁憂回籍刻下江南
正在需人請

旨飭下直隸總督山西巡撫查明喬松年現在何處飭
令於見喪穿孝後剋日前來聽候差遣奏入

上諭內閣曰前任江蘇常鎮通海道喬松年現在何處
著直隸總督山西巡撫查明飭令前往江南聽候何
桂清趙德轍差遣委用

同日翁同書奏言臣在定遠途次聞廬郡失陷
潰兵潰勇均由梁園散走臣隨卽馳赴梁園沿
途督令折回惟潰兵多係不持寸刃必須酌配
兵仗臣查廬州失守之初三河之賊竄至二十

里鋪副將余應彪督兵迎戰失利該逆卽以萬
餘之衆直撲至十八里岡經副都統麟瑞等迎
戰獲勝賊衆始略退數里旋復糾合大股二萬
餘人直到十三里站橫亙至西路大蜀山紮賊
營十餘座分路直撲城垣蕭開甲在南門外接
仗麟瑞在西南接仗逆衆數萬漫山遍野我軍
勢不能支又見該逆另分二股突由西北繞抵

廬城城外各軍首尾不能相顧紛紛驚潰蕭開
甲馳馬衝殺被賊刺傷下馬麟瑞率馬隊左右
馳突亦被賊傷冒圍而出知府伍成功趕往救
援陷沒賊中麟瑞余成蛟等糾合餘衆退守店
埠廬州城內本無官兵僅有署臬司馬新貽集
團數百名出城接應與賊血戰多時各營敗兵
多由北門小路潰往梁園該逆遂於七月十五

日午刻入城十六日夜間賊匪數千進踞店埠
臣一面收集潰兵一面催令李孟羣麟瑞堵剿
並飭署臬司馬新貽購辦米石以濟飢軍十七
日營總富明阿擊賊於店埠之北殺賊六七十
人賊始不敢前進仍退回店埠臣查廬城再陷
固由賊衆兵單而諸將守禦不力亦難辭咎署
總兵副將蕭開甲知府伍成功力戰捐軀大節

凜然應請

旨交部從優議卹署合肥縣知縣王應奎尙無下落應俟查明辦理署臬司廬州府知府馬新貽督團出城禦賊倉卒失守致將臬司印及廬州府印一併遺失實有應得之咎惟念該員心地樸誠民情愛戴且一時更換乏人仰懇

天恩將該員革職暫行留任以觀後效署巡撫李孟羣

於艱難拮据之中慷慨誓師不辭勞瘁副都統
麟瑞受傷力戰至今尙在前敵堵禦應請均免
置議其餘各將領有無退縮畏葸之員容臣再
行細察現已飛咨勝保德興阿各撥馬隊助剿
並抽調附近兵勇力扼店埠北路以杜北竄奏
入

上諭內閣曰總兵蕭開甲知府伍成功當賊撲廬州城

時帶兵迎勦因賊衆兵單先後陣亡實堪憫惻均著
交部從優議卹署按察使廬州府知府馬新貽帶練
出城遺失印信惟該員接應官兵與賊血戰多時且
平日民情愛戴著革職暫行留任副都統麟瑞雖因
力戰受傷究屬堵禦不力應得處分著勝保再行查
覈具奏其餘帶兵各將領有無退縮畏葸情事並尙
無下落之署合肥縣知縣王應奎著一併查明分別

奏請辦理

同日

上命軍機大臣傳諭胡興仁曰現在浙江軍務漸就肅清閩省賊勢蔓延曾國藩行抵湖北省城諒已移兵赴閩援剿胡興仁業經補授巡撫地方是其專責著毋庸會辦曾國藩軍務該撫惟當力求整頓於收復各郡縣善後事宜妥爲布置並調兵籌餉援剿閩疆

毋負委任

二十九日

壬寅

和春晏端書奏言各路敗匪盡竄

龍泉縣境徧設卡壘並將雲和龍泉接壤之路
全行掘斷該處山谿險阻軍士艱於跋涉周天
受督飭總兵周天培等攀山梟水而進七月初
七日周天培等先抵楊梅嶺連攻三晝夜始將
賊卡一律攻毀殺斃悍賊極多陳開選諸軍從

小路抄襲塔石嶺之後翟先仲等亦從觀塘進
兵三面包抄各將士踴躍用命分路勦辦復追
殺二十餘里擒斬無算餘匪遁往浦城一帶遂
於七月初十日收復龍泉縣城浙江全境肅清
所有在事出力文武及帶兵援浙各員仰懇
天恩分別獎勵出自

逾格鴻施奏入

上諭內閣曰浙江省自本年三月間賊竄江山縣以後連陷郡邑經和春何桂清張芾等先後撥兵援剿連克各城敗匪盡竄龍泉縣境又經周天受派周天培等分路進剿將縣城收復現已全境肅清在事文武及帶兵援浙各員均屬著有勞績自應渥沛恩施候補三品京堂張芾著賞戴花翎總兵周天培著賞加提督銜道員林福祥段光清均著賞加按察使銜候

選道李元度著交軍機處記名遇有江西道員缺出
請旨簡放告假總兵秦如虎著交部從優議敘其餘
出力員弁兵勇金處各路著歸周天受彙保衛嚴各
路著歸李定太彙保咨報巡撫胡興仁會覈奏請獎
勵省城及浙東各府官紳團練出力捍衛鄉閭並著
該撫查明酌量保奏

同日耆齡奏言福建賊氛日熾臣於克復撫建

之日卽擬分兵救援閩浙現將道員劉長佑一
軍移紮建昌府屬之新城瀘溪兩縣相機援閩
茲查浙江各屬次第收復敗匪盡竄福建崇安
光澤邵武一帶賊勢益張江西自廣信府屬之
廣豐縣起至贛州府屬之長甯縣止沿邊十二
縣計程千餘里均與閩界毗連路徑紛歧有防
不勝防之患必須籌撥銳師與閩兵合力攻擊

以遏回竄兼靖鄰氛臣飭劉長佑速由建郡圖
攻光澤邵武之賊並以代理建昌府知府黃秉
珍所帶寶勇各營爲後路聲援一面派撥寶後
等營並由浙江撤回之彰武軍奇兵營移紮鉛
山堵禦崇安之賊贛州甯都所屬各縣團練俱
稱得力卽責成贛南鎮道督飭嚴防奏入報